

ԷՋԵՐ ՌՈՒՍ ԵՎ ԱՆԳՐԿՈՎԿԱՍՅԱՆ ԺՈՂՈՎՈՒՐԴՆԵՐԻ 1826 Թ.
ՓՈԽՑՈՒԹՅԱՆ ՊԱՏՄՈՒԹՅՈՒՆՆԵՐ

(Հայաստանի Ռուսաստանին միանալու 150-ամյակի առթիվ)

Վ. Ա. ԲԵՆԴԱՐՅԱՆ

Ռուսաստանի հետ վրաստանի և Ադրբեջանի միավորումից հետո օրակարգի խնդիր էր դարձել Արևելյան Հայաստանի հարցը։ Դեկաբրիստների զինված ելույթից (1825 թ.) հետո շահական արքունիքը «գտավ», որ հարմար ժամանակ է վերագրավելու վրաստանն ու Ադրբեջանը։ Այդ ականակալությամբ 1826 թ. հունիսի 16-ին Պարսկաստանը նախահարձակ եղավ։ Նրա խնամակալ Անգլիան իր էմիսարների միջոցով ոտքի հանեց ադրբեջանական մի քանի խաների և լեռնականներին։ Հարձակման առաջին օրերին պարսկական մեծաքանակ զորքի ճնշման տակ Փամբակ-Շորադյալի ռուսական սահմանապահ զորաջուկատները նահանջեցին Զալալօղլի (այժմ՝ Ստեփանավան)։ Պարսկական բանակները լուրջ դիմադրության հանդիպեցին Շորադյալի հարում և Խլի-Ղարաքիլիսա հայկական գյուղերի բնակչության կողմից։

Այս ճակատամարտերը պատմության մեջ մտան որպես երկրագործ բնակչության մղած հերոսական պայքարի դրվագներ։ Հատուկ ուշադրության արժանացած այդ ճակատամարտերում հայերի կրած զոհերի մասին ներսես Աշտարակեցին Պետերբուրգի հայոց արքեպիսկոպոս Հովհաննեսին հասցեագրած 1826 թ. օգոստոսի 2-ի նամակում գրում էր. «Գյումրիի մոտ գտնվող հայկական Ղարաքիլիսա գյուղից գերեցին 600 տղամարդ, 515 կին։ Չնայած հայերի դիմադրությանը պարսիկների կողմից տարվող գերիների թիվը բազմապատկվեց և հասավ 2000-ի»¹։ Այդ դժվարին օրերին հարևան երեք ժողովուրդներն էլ միասնաբար էին հանդես գալիս Անդրկովկաս ներխուժած ընդհանուր թշնամու դեմ։ Օրինակ, 1826 թ. օգոստոսին Զալալօղլի նահանգող ռուսական զորամասերին օգնելու համար «Ալեքսանդր Ճավճավաձեի 50 հոգուց բաղկացած ջոկատը ուղարկվեց Բզովդալ, որից կենդանի վերադարձան միայն 19-ը»²։ Վրացական աշխարհազորային ջոկատներից աչքի էր ընկնում հատկապես Փամբակ-Շորադյալի սահմանային զորամասերի հրամանատար գնդապետ Սեվերսամիձեի ջոկատը, ինչպես նաև Գուրաշևի, Մալիաբեկովի՝ լեռնային օսերի, մայոր Միրզաջան Մադաթովի գլխավորած աշխարհազորայինները³։ Գյումրեցի Մարտիրոս Վերիլյանի հեծյալ ջոկատը, թվով 20—30 մարդ, անմատչելի արահետներով թափանցում էր ամենուր, կատարում ամենադժվարին առաջադրանքները և օգնում ռուսական զորքերին։

¹ ПГИА в Ленинграде, ф. 880, оп. 5, л. 18, л. 11—14.

² В. Потто, Кавказская война в отдельных эпизодах, легендах и биографиях, т. III, вып. I, СПб., 1888, էջ 52.

³ «Русский архив», 1889, кн. 1, М., էջ 581.

Ցարական նշանավոր զինվորական, դսեղցի Հովակիմ Թումանյանի հայրը՝ 100-ամյա Մեհոաբը, ռազմի ահեղ օրերին ուժ ու եռանդ ստացած շրջում էր ու ժողովրդին հորդորում, թե «մեր ճամբեքը թշնամու համար կապ ու փակ պիտի լինեն, նամարդի համար թուր ու թվանք ունենք, տղամարդի համար աղ ու հաց»:

Ռուսական զորամասերի նահանջի ժանր օրերին առանձնահատուկ նշանակություն ստացավ Դիլիջանի կիրճի պաշտպանությունը, որը հսկայական զոհեր պահանջեց: Սակայն թշնամու ներխուժումը խաթարվեց տեղացիների միացյալ, համագործակցված ուժերի շնորհիվ, որոնք մեծ աջակցություն ցույց տվեցին այստեղ ուղարկված կոմս Սիմոնովիչի զորամասին: Այս կարևորագույն անցուղու պաշտպանության ժամանակ առանձնապես աչքի ընկան 'Ազախ-Շամշադինի հայ և ադրբեջանցի աշխարհազորային ջոկատները, որոնց զխավորում էին հախումեցի Գ. Մանուչարյանը, Սաբդիս Լալիդյուղացին, Սարդիս Վարշամյանը, աչաջրեցի Հովհաննես և Հաթամ Ալիբեկյանները, մելիք-դյուղացի Հովհաննես և Առաքել Սարիբեկյանները, ուզունթալեցի Աշիրը, աղ-դանեցի Ասատրյանը, չորաթանցի Բալու Քալանթարյանը, չինչինցի Բրուտ Սարգիսը⁴ և շատ ուրիշներ: Ադրբեջանցիներից մեծ հռչակ էին վայելում դա-զախեցի Աբդուլլա աղայի, Թաթարինովի, Թուրքեստանովի և Ռոստոմ Ալիի զորաջոկատները⁵: Շատ աշխարհազորայիններ հետագայում Շամխորի ճակատամարտում ցուցաբերած արիության համար արժանացան կառավարական զանազան պարգևների:

Հայկական զորաջոկատների առանձին խիզախներ հրաշքներ էին գործում հարձակվող պարսիկներին դիմագրելու և հետախուզության ժամանակ: Բնաշխարհին քաջածանոթ հետախույզներից էր Ղշլաղ (այժմ Ժդանով) գյուղի գյուղապետ Ավագ Պապոյանը: Կոռվա սարահարթի ռուսական կայազորը տեղեկություն չունեի Երևանի, Ղարաբաղի վիճակի և թշնամու մտադրությունների մասին, և իշխան Սեվերսամիձեն հետախույզ ընտրեց Ավագին: Նա գերազանց տիրապետում էր ռուսաց և պարսկերեն լեզուներին, գիտեր տեղանքը, պարսիկների սովորույթները: Ինչքան էլ ցարական բյուրոկրատ պետերը անտեսում էին հայ ժողովրդի մասսայական օգնությունը, բայց չէին ժխտում, որ հետախույզները մեծ մասամբ հայերն են: Ռուսական զորաջոկատներին ապավինած անդեն հայությունը, համոզված լինելով, որ իր փրկությունը բոլոր դեպքերում կապված է Ռուսաստանի հետ, ռուսական իշխանության համար անում էին այն ամենը, ինչ հնարավոր էր: Դրա լավագույն օրինակն են Բղովդալ գյուղի բնակիչ Ասատուրի սխրանքները: Նա աչքի էր ընկել որպես քաջարի հետախույզ:

1826 թ. օգոստոսին Գորիի, Դուշեթիի և Թբիլիսիի գավառներից հավաքագրվեց 1800 մարդ⁶, որոնք Երմոլովի հրամանով շարժվեցին դեպի ռազմաճակատ: Նրանցից 900 հոգի ուղարկվեցին Ջալալօղլիի պաշտպաններին օգնելու, մյուսները՝ դեպի Աղստաֆա, ապա Շուշի: Առանձնապես աչքի ընկան Դորիի գավառապետ մայոր Դավիդ Թարխանովը, Դուշեթիի իշխան Բագրատիո-

⁴ ЦГИА Аз. ССР, ф. 130, д. 10, л. 18, 19, 20. Տե՛ս նաև Հ. Ս. Ավագյան, Ս. Ա. Սաղումյան, Դեղատեսիլ Շամշադինի բարգավաճումը, Երևան, 1967, էջ 4:

⁵ «Русский архив», 1889, кн. 4, էջ 177—187:

⁶ «Военный журнал», 1829, № 10, էջ 83:

ներ և Ծղենեթի գյուղացի Արսեն Բեհբուջյանը։ Վերջինս իր հարյուրյակի հետ մասնակցեց Միրաքի նշանավոր ճակատամարտին։

Վաղուց ի վեր ռուսական կողմնորոշում ունեցող անդրկովկասյան ժողովուրդները համատեղ ջանքեր էին գործադրում երկրամասի ազատագրման համար։ Պարսիկներին չհաջողվեց կրոնական պրոպագանդայի միջոցով սեպ խրել հարևան ժողովուրդների միջև, թեև Աբբաս Միրզան փորձում էր նրանց համոզել, որ շեղոք մնան, չօգնեն ռուսական բանակին, քանի որ «ինքը գործ ունի միայն ռուսների հետ»⁷։

Մերկացնելով թշնամու նենգութունները, իս. Աբովյանը գրում էր. «Յա պատիվ, մեծութուն էին խոստանում, որ խաբեն նրանց, յա պատիժ պատուհաս տալիս՝ որ վախենան, ռսիցը ձեռք վերցնեն»⁸։

Սակայն անդրկովկասյան ժողովուրդների ռուսական կողմնորոշումը անսասան էր։ Պատերազմի առաջին օրերից Ադրբեջանի Ասլան խանը դեմ-հանդիման կանգնեց պարսիկներին, ռուսական զորքերի հետ համատեղ պայքարեց մինչև պատերազմի հաղթական ավարտը⁹։ Նա ռուսական իշխանությունը մատուցած ծառայությունների համար հետագայում արժանացավ կառավարական պարգևի՝ Վլադիմիրի 2-րդ աստիճան շքանշանի։ Ռուսական զորքերին խոշոր ծառայություններ մատուցողներից էր նաև Միրզա Ադիգյուզալ բեկը, որը հայ-ադրբեջանական միացյալ ջոկատով պաշտպանում էր Զոդի անցուղին¹⁰։

1826 թ. ամռան ու աշնան ամիսներին պատերազմական դաժան արհավիրքների օրերին հայ-ադրբեջանական սուրհանդակ կապավորներից հայտնի էին Գրիգոր Փիլիպոսյանը և զազախեցի Ռոստոմ Ալին, որոնք չէին խուսափում ռազմական դժվարին խնդիրներ կատարելուց¹¹։ Այդ օրերին հայ-ադրբեջանական գյուղացիական ջոկատները վրացական 2000-անոց միլիցիայի և զնդապետ Գրեկովի զորամասի հետ, որոնց մեծ օգնություն ցույց տվեցին Դիլիջանի հայերը, մարտեր էին մղում Ղազախ-Շամշադինի տերիտորիայում։ Դիլիջանի բնակիչները մերժեցին թշնամու առաջարկը՝ լեռնանցքը անպաշտպան թողնելու մասին։

Ղազախ-Շամշադինի հայ-ադրբեջանական զորաջոկատները հայտնվում էին մերթ Դիլիջանի լեռնանցքում, մերթ՝ Մեծ Ղարաքիլիսայում։ Իսկ Հաջի Մամեդ աղայի հեծյալ զորաջոկատը մշտապես կանգնած էր էշակ Մեյդանի լեռներում, ուր տեղացիների հետ միացյալ ուժերով պաշտպանում էին Աղստաֆայում կենտրոնացվող ռուսական բանակների թիկունքը։

Երբ Հաջի Մամեդի զորաջոկատը գործում էր դիլիջանցիների պաշտպանության դիրքերում, նույն ժամանակ «Գ. Մանուչարյանի 500-յակը ետ վերադարձրեց Պարսկաստան տարվող ադրբեջանցիների 300 ընտանիքներին»¹²։ Դիլիջանի մոտակայքի ռուսական փոքրաթիվ զորքերի մի շարք անհաջողու-

⁷ Տե՛ս Զ. Գրիգորյան, Ռուս և հայ ժողովուրդների ռազմական համագործակցությունը XIX դարի սկզբին, Երևան, 1957, էջ 107—108։

⁸ Խ. Աբովյան, Երկերի լիակատար ժողովածու (8 հատորով), հատ. 3, Երևան, 1948, էջ 121։

⁹ «Русский инвалид», СПб., 1827, № 231.

¹⁰ «История Азербайджана», т. II, Баку, 1960, էջ 36։

¹¹ ЦГИА Аз. ССР, ф. 130, д. 9, л. 1—2.

¹² ՀՊՍՀ Կողմ, ֆ. 42, գ. 64, թ. 1—2։

թյուններից հետո 1826 թ. օգոստոսի 6-ին Նախկին գավառապետ Սնեժևսկուն փոխարինած իշխան Օրբելիանին ձեռնամուխ եղավ ռազմական խոշոր նշանակություն ունեցող անցուղու պաշտպանության գործին: Նրա անմիջական աջակիցներից «աչքի ընկան հայկական աշխարհազորայիներին հրամանատարներ Առաքել և Հովհաննես Սարիբեկյանները»¹³. որոնց հետ ուս-ուսի տված կովում էին վրացի և ադրբեջանցի աշխարհազորայիները: Նույն ժամանակ լոռվա կողմերում հայ բնակչության ուժերի մոբիլիզացման, ռուսական բանակին օգնելու գործում մեծ գեր խաղաց նշանավոր զինվորական Հովակիմ Թումանյանը¹⁴: Հայ խիզախների մի փոքր ջոկատի գլուխ անցած նա «ոտի տակ էր տալիս Սիս բերգից մինչև Հաղպատ, Սանահին, — գրում է նրա թու Հովհաննես Թումանյանը, — և սիրտ էր տալիս քարանձավներում կուշ եկած ժողովուրդներին»¹⁵:

Այսպիսի խիզախները, որոնց թիվը շատ էր Հայաստանում, իրենց ցայտուն կերպավորումն են գտել հանձին իս. Աբովյանի «Վերքի» հերոս Աղասու 1826 թ. պատերազմական գործողությունները սկսվելուց հետո Կախեթից դեպի Աղստաֆա շարժվող ռուսական 20-րդ հետևակային դիվիզիայի ստորաբաժանումներից մեկի հրամանատարն էր վրացի գեներալ-մայոր էրիստովը: Աղստաֆա ժամանեցին նաև վրացական երկու գումարտակները, որոնք միանալով Դուշեթիի և Գորիի կողմերից եկած Յակով Օրբելիանիի, փոխգնդապետ Ասլանի, մայոր Նիկոլայ Թարխանովի, Ջաքարիա Կուրդանիձեի զորաջոկատներին, անցան գեներալ Վ. Դ. Մադաթովի ընդհանուր հրամանատարության տակ¹⁶: Մինչդեռ ռուսական ուժերը կկենտրոնանային Աղստաֆայում, Դիլիջանի լեռնանցքի պաշտպանների դրությունը կրիտիկական էր դառնում, ուստի վրացի գնդապետ Սեվերսամիձեն Ջալալօղլիից օգնության ուղարկեց ադրբեջանական մի ջոկատ, որը բաղկացած էր 200 հոգուց: Կորպուսի հրամանատարի կարգադրությամբ զինծառայության ենթակա հայ և վրացի բոլոր տղամարդիկ 20 օրվա ընթացքում ներկայացան Թբիլիսի, ապա ռազմի դաշտ¹⁷: Կովկասյան մյուս ժողովուրդներից Աղստաֆա զորակայան հասան նաև օսերի և կաբարդացիների աշխարհազորայիները՝ 244 հեծելազորային և 153 հետիոտն, իսկ Թելավիից և վրացական Սղնախից եկան 361 հեծյալ և 60 հետիոտն մարդ¹⁸: Ընդհանուր թշնամու դեմ կովկասյան ժողովուրդների համատեղ պայքարում անվանի զինվորականներից էին՝ հայերից գեներալ Վ. Դ. Մադաթովը, մայոր Միրզաջան Մադաթովը, Դավիթ և Հովհաննես Ղորղանյանները, Գրիգոր, Գևորգի և Դավիթ Ջերբեգյանները, կապիտան Շաղբաթյանը, մայորներ Մելիքյանն ու Սմբատյանը, շտաբս-կապիտան Հախվերդյանը և շատ ուրիշներ, ադրբեջանցիներից գեներալ Ալյար աղա Դիլիբեգովը, սպաներ Քելբ Ալի խանը, Ռոստոմ Ալին, Հաջի Մամեդ աղան, Բակիխանովը, Իզմաիլ Վեզիրովը և ուրիշներ, վրացիներից գեներալ էրիսթովը, գնդապետ Սեվերսամիձեն, Ա. Ջավճավաձեն, սպաներ Ջափարիձեն, Յասո և Զուրաբ Անդրոնիկովները, Իվան Վաչնաձեն և շատ ուրիշներ:

¹³ ЦГИА Груз. ССР, ф. 16, д. 3591 и Аз. ССР, ф. 130, л. 10, л. 18, 19, 30.

¹⁴ ЦГИА Груз. ССР, ф. 2, л. 2015.

¹⁵ Զ. Թումանյան, Երկեր, հատ. 1. Երևան, 1958, էջ 302—304.

¹⁶ АКАК, т. VII, էջ 328—333.

¹⁷ ЦГИАЛ, ф. 880, д. 18, л. 18—19.

¹⁸ «Кавказский сборник», т. 24, Тбилиси, 1903, էջ 224.

Զնայած ռուսական հրամանատարության ձեռք առած միջոցներին, պատերազմի սկզբնական շրջանում պարսիկները՝ որոշ հաջողություններ ունեցան: Ռուսական կողմի համար ծանր կացություն ստեղծվեց հատկապես Շուշիում, որի 1700-անոց կայազորը շրջակա 22 հայկական գյուղերից այստեղ փախած բնակչության հետ 47 օր պաշարվեց ամրոցում: Պարենի սպառման պատճառով պաշարվածների դրությունը վատացավ: Հացահատիկը ջրաղաց հասցնելու դժվարին պարտականությունը իրենց վրա վերցրին հայ Շահրիար Մադաթովը և ադրբեջանցի Սաֆար Ալի բեկը, որոնք արհամարհելով մահվան վտանգը, կատարեցին առաջադրված խնդիրը: Շուշեցի հայ և ադրբեջանցի բնակիչները ռուսական կայազորի սննդի համար տրամադրեցին 1142 զլուխ խոշոր եղջերավոր անասուն: Զինված հայերի թիվը (կայազորին օգնող) հասավ 3000-ի¹⁹, որոնց ընդհանուր հրամանատար էր նշանակված Շուշիի քաղաքապետ Աղաբեկ Քալանթարյանը: Ռուսական իշխանությանը մատուցած ծառայությունների համար նա պարգևատրվեց Վլադիմիրի շքանշանով և ոսկե մեդալով, իսկ Պեսրոս բեկ Մադաթովը, Բաղդասար Դուլխանովը և վերջինիս երկու տղաները՝ ոսկե մեդալներով²⁰:

Ադրբեջանցի հետախույզ կապավորներից աչքի ընկան Մուլլա Միրզան, Ղազախի գավառի Սալահլու գյուղացի Աբբաս Ալի Սուլթանը (որը հետագայում Սարգսրաբադի և Երևանի գրավման համար ստացավ Վլադիմիրի շքանշան և ոսկե մեդալ²¹) և ուրիշներ: Շուշիի հերոսական պաշտպանության ժամանակ աչքի ընկան, ինչպես ցույց են տալիս նյութերը, Ղարաբաղի մի շարք գյուղերի և մասնավորապես Հադրութի շրջանի Բոնաձոր (Բանազուր) գյուղի հայ գյուղացիները, որոնք հասել էին Շուշի և պատասպարվել ամրոցում: Իսկ Կաչաղակաբերդում ամրացած հայերը գիշերվա խաղաղ ժամերին պաշարվածների համար սննդամթերք էին բերում: Այս գործում նշանակալից դեր խաղաց Ափի բեկը, որը ամրոցի պարետ Ռեուտի կողմից տրված հանձնարարությունները կատարելու և ղինված ընդհարումների ժամանակ ցուցաբերած արիության համար պարգևատրվեց արծաթե սրով:

Շուշիի ամրոցի բաղմօրյա հերոսական պաշտպանության ժամանակ իր սխրանքներով աչքի ընկավ Ղարաբաղի Նախիջևանիկ գյուղից Փիրումյանների գերդաստանը. շատերն արժանացան ղանսղան պարգևների և զինվորական աստիճանների: Այդ մասին «Շուշի ամրոցի պաշտպանության համար սյարգևատրվողների ցուցակում» Աղիբեկ Փիրումյանի անվան դիմաց կարդում ենք. «...մինչև այդ ուներ խիզախության համար ոսկե մեդալ, իսկ այժմ տրվում է պորուչիկի աստիճան և 200 ռ. թոշակ: Նա կատարել է Շուշիի պարետի բոլոր հանձնարարությունները»²²:

Մինչդեռ շարունակվում էր Շուշիի պաշարումը, ռուսական զորքերը 1826 թ. սեպտեմբերի առաջին կեսին Շամխորի և Ելիզավետպոլի մոտ տված հաղթական ճակատամարտերում ջախջախեցին հակառակորդի գերակշիռ ուժերը՝ փախուստի մատնելով թշնամուն: Այդ նշանավոր ճակատամարտերում տարած հաղթանակների մեջ պատվավոր բաժին ունեին Կովկասի ժողովուրդ-

¹⁹ ЦГВИА, ф. ВУА, д. 894, л. 4.

²⁰ ЦГИА Груз. ССР, ф. 16, д. 9360, л. 112.

²¹ ЦГИА Груз. ССР, ф. 548, д. 91, л. 64 и ф. 11, д. 95, л. 70.

²² ЦГИА Груз. ССР, ф. 2, д. 2044, л. 109.

ները: Միայն հայ-վրացական աշխարհագրոագյիններից 230 հոգի արժանացան կառավարական բարձր պարգևների²³:

Պետերբուրգ ուղարկած մի շարք գրություններից պարզվում է, որ ճակատամարտերի ակտիվ մասնակիցների շարքերում կային նաև լեռնականների 244 հոգուց բաղկացած հեծյալ և 153 հոգուց կազմված հետիոտն աշխարհագրոագյին ջոկատներ²⁴:

Շամխորի ճակատամարտից հետո Մադաթովի կողմից կազմված՝ «Սեպտեմբերի 3-ին Շամխոր գյուղի տակ Աբբաս Միրզայի որդի Մամադ Միրզայի և Ամիրխան սարգարի զորքերի ջախջախման ժամանակ աչքի ընկած սպաների» 180 անունից բաղկացած ցուցակում միայն Ղազախ գավառի բնակիչներից Մադաթովը ներկայացրել էր 41 մարդ, որոնց կեսը հայեր էին՝ հատկապես Աղստևի հովտի գյուղերից: Հիշվում են, օրինակ, Ասատրյանը, Սարգիս լալիգյուղացին (գյուղագիր Արշակ Ագապյանի հայրը), Աղա Ղորղանյանը, Հովհաննես Ղորղանյանը, Ղահրաման Կարաքեշիշյանը և շատ ուրիշներ:

Պարզևատրվողների ցուցակում հանդիպում ենք նաև վրացիներից Գրիգոր և Ասլան Օրբելյանիների, Զուրաբ և Յասո Անդրոնիկովների, Իվան Վաշնաձեի, զենեռալ էրիսթովի, Գրիգոր Զոլոկաևի, Աթանաձեի, Ռևադ Դիմիտրի, Զաալ, Յասո Սակաևների, Թավդի Զոլոկաևի, Թելավցի շորս տանուտերի, սղնախցի 15 իշխանների անուններին, ինչպես նաև Կազբեկների տոհմից 5 հոգու անվան²⁵: Շամխորի և Ելիզավետպոլի հաղթական ճակատամարտերը բեկում առաջացրին պատերազմի ընթացքի մեջ: Պարսկական զորաբանակները խուճապահար նահանջեցին Արաքսի աջափնյա կողմերը:

1826 թ. հոկտեմբերի 11-ին Շուշիի պաշարումը վերջացավ: Նահանջող հակառակորդին սկսեցին հետապնդել և ամբողջ պաշտպանները: Ամբողջ պաշտպանության ժամանակ աչքի ընկածներին մի քանի ցուցակով ներկայացրին կառավարական պարգևի: Ցուցակներից մեկը կոչվում էր «Եզերական 42-րդ զնդի ազնվականական կրտսեր սպաների և կամավորների ցուցակ», իսկ մյուսը՝ «Ղարարադի շինովնիկների և պատվարժան հայերի ցուցակ»: Եթե առաջին ցուցակով պարգևատրված 40 հոգուց 5-ն էին հայեր²⁶, ապա երկրորդում հայերի թիվը հասնում է մոտ հինգ տասնյակի²⁷: Պարզևատրվածների մեջ առանձնապես նշանավոր էին Հովակիմ Թումանյանը, Զավաթ Ավշարյանը, Աղա Փիրում Դանիելբեկովը, տանուտեր Բաբան, Համզան, Վարդանը, Ավագ բեկը, Աթա Գրիգորյանը, Ղուլի Ղուլյանը, Հովհաննես Սարգսյանը, Խուզո Շահինյանը և շատ ուրիշներ²⁸:

Շուշիի հերոսամարտերի մասնակիցներից ղանազան խրախուսանքների արժանացան նաև քառասունից ավելի ուսու ղինվորականներ և ոչ քիչ թվով ազրբեջանցիներ: Կովկասի ուսական իշխանությունները, ելնելով իրադրությունից, ձեռնամուխ հղան պարենի և անասնակերի հայթայթմանը: Հովհաննես Ղորղանյանի ջանքերի շնորհիվ 1826 թ. հոկտեմբեր-դեկտեմբեր ամիսներին Շաքիի և Շիրվանի խանություններից հավաքվեց 6775 փութ ցորեն,

23 «Кавказский сборник», т. 24, № 223—224.

24 ЦГВИА, ф. ВУА, д. 4344, л. 1—2.

25 ЦГИА Аз. ССР, ф. 130, д. 10, л. 14, 18.

26 ЦГИА Груз. ССР, ф. 2, д. 2044, л. 109—116.

27 նույն տեղում.

28 «Кавказский сборник», т. 25, Тбилиси, 1906, № 6—22, 77—82.

20866 փուլ ձավար, պաքսիմատ և ալյուր²⁹։ Պարենամթերքի և անասնակերի տեղափոխման գործում ակտիվ մասնակցություն ունեցավ Շաքիի, Շիրվանի հայ և ադրբեջանցի բնակչությունը։ Օրինակ, միայն Շաքիի երեք մահալների 21 գյուղերից 322 հայ սալապաններ իրենց միջոցներով Բաքվից, Շամախիից Զարդոբ և Շուշի տեղափոխեցին ավելի քան 2032 տոննա բեռ³⁰։

Ռուսական բանակին անդրկովկասյան ժողովուրդների կազմակերպած տնտեսական օգնության մասին պարզ պատկերացում են տալիս 1826 թ. վերաբերվող հետևյալ տվյալները.

Ռուսական զորքերին օգնության կարգով տրված է.

Բնակավայրի անունը	Հացահատիկ (փուլ)	Անասնակեր (փուլ)	Ինոնատար անասուն (հատ)	Ինոնատար (հատ)
Ղազախ	3591	2666	1000	100
Խորշալու	1851	1334	—	100
Շամշաղին	6676	—	—	—
Ղարարաղ	2052	—	—	—
Վրաստան 189 բնակավայրերից	—	—	—	8000
Գորի	2000 չետվերտ	—	—	—
Ընդամենը	14170 փուլ 2000 չետվերտ	4000	1000	8200

Անդրկովկասյան ժողովուրդների կողմից ռուսական զորքերին ցույց տված օժանդակությունը այնքան շոշափելի էր, որ գլխավոր շտաբի պետ գեներալ Իբերլը Կովկասի ռուս հրամանատարներին զգուշացրեց, որ հետագա արշավանքների ժամանակ պետք է մեծ մասշտաբների հասցնել տեղացիների օգնությունը։ Այդ օգնությունը մեծ չափով զգացվեց նաև 1827 թ. երևանյան երրորդ արշավանքի ժամանակ։

Երևանի գրավումից առաջ Արարատյան դաշտից և Շիրակի կողմերից պարեն հայթայթող ռուսական ջոկատները մարդկային զոհերի գնով էին հաջողությունների հասնում։ Օրինակ, Արաքսի աջափնյա կողմերից պարենամթերք տեղափոխող 2100 հոգուց կազմված զորամասից 300 հեծյալներ, որոնք զբաղված էին ձեռք բերած միջոցները Երևան փոխադրող բեռնասայլերի հրսկողության գործով, միայն մի ընդհարման ժամանակ կորցրին 100 հոգի, որից 8-ը հայեր էին³¹։

Պակաս դժվարություններ չէր ներկայացնում հացահատիկ աղալու գործը։ Պարսիկները փչացրել էին ջրաղացները, իսկ տեղացիները տրամադրեցին 76

²⁹ ЦГИА Аз. ССР, ф. 91, оп. 1, д. 44, л. 6, 38—39, 94.

³⁰ ЦГИА Аз. ССР, ф. 73, оп. 1, д. 13, л. 47 и ф. 91, оп. 1, д. 96, л. 399, 428—429, 492, 517—522.

³¹ «Русские инвалиды», 1827, № 257.

ձեռքի աղաց³²։ Այդ օրերին Վրաստանից և Ադրբեջանից հազարավոր սայլապաններ իրենց սեփական միջոցներով պարենամթերք և ռազմամթերք էին տեղափոխում Թիֆլիս—Երևան, Բաքու—Շուշի։ Հայ գյուղացիները ցույց էին տալիս նաև այլ կարգի օգնություն³³։

Երևանյան երրորդ արշավանքի նախօրյակին ռուսական բանակին օգնում էին նաև Աստրախանի նավատեր հայ վաճառականները, որոնք Բաքու տեղափոխեցին 1000 տոննա կշռաչափով գենք և զինամթերք³⁴։ Բաքվից Շուշի փոխադրության ժամանակ օդտագործվում էին հայ և ադրբեջանցի գյուղացիների բոլոր սայլերը։ Միայն Շաքիից հավաքագրված մի քարավանը բաղկացած էր 264 սայլից, իսկ Շիրվանինը՝ 145³⁵։

Այսպես, հայ, վրացի և ադրբեջանցի ժողովուրդները ամեն կերպ օգնում էին ռուսական զորքերին՝ թե անձնական մասնակցությամբ և թե նյութական օժանդակությամբ։ Ռուս և անդրկովկասյան ժողովուրդների դարավոր բարեկամությունը պատերազմական փորձությունների դժվարին օրերին ավելի ամրապնդվեց։ Այս զործում զգալի դեր խաղացին նաև Կովկաս աքսորված դեկաբրիստները, որոնք զործուն մասնակցություն ունեցան ռուս-պարսկական պատերազմին³⁶։

СТРАНИЦЫ ИЗ ИСТОРИИ ВЗАИМНОЙ ПОМОЩИ РУССКОГО И ЗАКАВКАЗСКИХ НАРОДОВ В 1826 г.

(К 150-летию присоединения Армении к России)

В. А. БЕГЛАРЯН

(Резюме)

В статье освещается военная и экономическая помощь, оказанная в 1826 г. народами Закавказья русской армии во время русско-персидской войны. На конкретных примерах показано, что эта помощь сыграла немалую роль в достижении победы России над Персией. Во время военных действий стал еще крепче братский союз между русским и закавказскими народами.

³² ЦГВИА, ф. ВУА, д. 4338, л. 49.

³³ ЦГИА Груз. ССР, ф. 548, д. 9, л. 34—36. «Военный журнал», 1828, № 1, էջ 179.

³⁴ ЦГИА Аз. ССР, ф. 47, д. 1, л. 1—2.

³⁵ Նույն տեղում, թ. 56.

³⁶ Տե՛ս Մ. Ն եր ո ս ի ս յ ա ն, Դեկաբրիստները Հայաստանում, Երևան, 1958.